

OKVIRNI SPORAZUM

Za nabavku prirodne izvorske vode i jednokratnih čaša za vodu za potrebe KJU „Dom za socijalno zdravstveno zbrinjavanje osoba sa invaliditetom i drugih osoba”

Zaključen između:

1. **Kantonalna javna ustanova “Dom za socijalno zdravstveno zbrinjavanje osoba sa invaliditetom i drugih osoba”** sa sjedištem u Sarajevu, Nahorevska 195, koju zastupa vd direktora Ovčina Husije, mr.Politologije / u daljem tekstu: **Naručilac** /
i
2. **VIVIA office&home doo Banja Luka**, ID broj 4403834090009, ul. Pete Kozarske brigade broj 18., Banja Luka, koju zastupa direktor Goran Motičić / u daljem tekstu: **Dobavljač** /

UVOD

Član 1.

Na osnovu provedenog postupka javne nabavke – konkurentskog zahtjeva za dostavu ponuda za nabavku prirodne izvorske vode i jednokratnih čaša za vodu, Ugovorni organ je Odlukom broj: 27-1939-2/20 od 28.10.2020. odabrao ponudu Dobavljača broj 1656/20-01 od 16.10.2020. kao najbolje ocjenjenu ponudu u skladu sa objavljenim kriterijem za donošenje odluke o odabiru i zahtjevima iz tenderske dokumentacije.

Ovaj Okvirni sporazum ne predstavlja obavezu Naručioca na nabavku roba od Dobavljača. Obaveza nastaje zaključivanjem pojedinačnih ugovora o javnoj nabavci na osnovu izvornih uslova za zaključenje ugovora navedenih u ovom okvirnom sporazumu.

PREDMET I TRAJANJE OKVIRNOG SPORAZUMA

Član 2.

Predmet ovog Okvirnog sporazuma je utvrđivanje uslova za sklapanje pojedinačnih ugovora o javnoj nabavci s Dobavljačem za nabavku prirodne izvorske vode i jednokratnih čaša za vodu prema tenderskoj dokumentaciji i ponudi Dobavljača te uslovima utvrđenim tenderskom dokumentacijom i ovim Okvirnim sporazumom, u skladu sa potrebama Naručioca.

Ovaj Okvirni sporazum se sklapa na period do 31.12.2022. od dana stupanja na snagu Okvirnog sporazuma i tokom navedenog perioda predviđa se zaključenje pojedinačnih ugovora o javnoj nabavci u zavisnosti od stvarnih potreba naručioca i obezbjeđenih sredstava za finansijsko izvršenje pojedinog ugovora o javnoj nabavci.

CIJENA

Član 3.

- Ukupna vrijednost ovog okvirnog sporazuma (bez PDV-a) iznosi : 13.746,00 KM,
- PDV (17%) iznosi: 2.336,82 KM,
- UKUPNA VRIJEDNOST/CIJENA okvirnog sporazuma (sa PDV-om) iznosi: 16.082,82 KM,

USLOVI PROVEDBE OKVIRNOG SPORAZUMA

Član 4.

Cijene za svaku nabavku moraju odgovarati cijenama istaknutim u ponudi Ponuđača iz člana 1.stav 1. ovog Okvirnog sporazuma i moraju biti nepromjenjive za čitavo vrijeme trajanja okvirnog sporazuma.

U cijenu su uračunati troškovi distribucije i instalacije aparata i vode za piće , galona i PVC čaša , troškovi redovnog i vanrednog održavanja aparata kao i ostali troškovi koji mogu nastati u toku realizacije nabavke.

Član 5.

Nabavka roba i usluge iz člana 2. Ovog okvirnog sporazuma će se vršiti u skladu sa potrebama i zahtjevima Naručioca i bit će regulisana pojedinačnim ugovorima.

Isporuka roba će se vršiti sukcesivno /dnevno, sedmično ili mjesečno/ u roku od 2 radna dana od dana ispostavljanja narudžbenice.

Mjesto isporuke roba je sjedište Naručioca ul. Nahorevska broj 195. Općina Centar – Sarajevo.

Član 6.

Naručilac će vršiti plaćanje na osnovu ispostavljenih faktura Dobavljača.

Naručilac će izvršiti plaćanje fakture iz stava 1. ovog člana u roku od 30 / trideset/ dana od dana ispostavljanja ispravne fakture i originalne otpremnice.

Dobavljač je saglasan da Naračiocu neće zaračunavati zatezne kamate za zakašnjenje pri plaćanju preko „Trezora”, ako je Naručilac u ugovorenom roku predao nalog za plaćanje.

Član 7.

Pri sklapanju ugovora o javnoj nabavci ugovorne strane ne smiju mijenjati bitne uslove ovog Okvirnog sporazuma.

OBAVEZE I ODGOVORNOST DOBAVLJAČA

Član 8.

Dobavljač se obavezuje ustupiti na besplatno korištenje 12 aparata za vodu koji će biti postavljeni u objektu naručioca za čitavo vrijeme trajanja okvirnog sporazuma.

Dobavljač se obavezuje izvršavati isporuke roba savjesno i odgovorno, na način određen ovim Okvirnim sporazumom sa pažnjom dobrog privrednika.

Dobavljač se obavezuje da će ugovorene robe isporučiti u skladu sa tenderskom dokumentacijom i prihvaćenom ponudom.

Dobavljač se obavezuje čuvati sve podatke i materijale dobivene po osnovu ovog Ugovora i neće ih otkrivati i davati na upotrebu trećim licima.

OBAVEZE NARUČIOCA

Član 9.

Naručilac se obavezuje saradivati sa Dobavljačem tokom izvršenja isporuka roba i povremeno ga informisati o relevantnim činjenicama koje bi mogle utjecati na izvršenje ugovora.

Naručilac se obavezuje Dobavljaču platiti ugovorenu cijenu za izvršenje isporuke roba na ugovoreni način i u ugovorenom roku.

U slučaju eventualnih propusta Dobavljača u izvršavanju isporuke roba , Naručilac se obavezuje odmah po uočavanju propusta dati Dobavljaču prigovor u pisanoj formi.

RASKID OKVIRNOG SPORAZUMA

Član 10.

U slučaju da Dobavljač ne bude ispunjavao ili ukoliko ne bude u mogućnosti ispunjavati preuzete obaveze iz ovog Okvirnog sporazuma i uslova ponude ili učini povredu odredbi ovog Okvirnog sporazuma, Naručilac ima pravo jednostranog raskida ovog Okvirnog sporazuma uz pisano obavještenje.

RJEŠAVANJE SPOROVA

Član 11.

Sporovi koji eventualno nastanu iz ovog Okvirnog sporazuma, rješavat će se u prvom redu međusobnim sporazumom ugovornih strana, a ukoliko se ne mogu riješiti mirnim putem, oštećena strana može ostvariti svoja prava pred nadležnim sudom u Sarajevu.

Za sve odnose i institute koji nisu utvrđeni ovim Ugovorom, a proisteknu iz njegove realizacije primjenjivat će se odgovarajuća odredba Zakona o obligacionim odnosima.

SASTAVNI DIJELOVI OKVIRNOG SPORAZUMA

Član 12.

Sastavni dijelovi Okvirnog sporazuma su : - Ponuda Dobavljača broj: 1656/20-01 od 16.10.2020.

STUPANJE NA SNAGU OKVIRNOG SPORAZUMA

Član 13.

Ovaj okvirni sporazum stupa na snagu danom obostranog potpisivanja.

Ukoliko ugovorne strane ne stave istovremeno svoj potpis, okvirni sporazum stupa na snagu danom stavljanja posljednjeg potpisa.

Ovaj okvirni sporazum se zaključuje na period do 31.12.2022. godine bez mogućnosti prećutnog produženja istog.

Član 14.

Okvirni sporazum je sastavljen u 4 /četiri/ istovjetna primjerka, od kojih se ugovornim stranama uručuju po 2 /dva/ primjerka.

NARUČILAC:

Kantonalna javna ustanova
„Dom za socijalno zdravstveno zbrinjavanje
osoba sa invaliditetom i drugih osoba”


Ovećina Husnija, v.d. direktora

Broj: 27- 2017
Datum: 11.11.2020.



DOBAVLJAČ:

VIVIA office&home doo Banja Luka


Goran Motičić, direktor

Broj: 1916/20-02
Datum: 18.11.2020.

